

PERSATUAN FRANCAIS MALAYSIA MINIT MESYUARAT AGUNG KHAS 2025

Tarikh : 3 September 2025 (Rabu)
Masa : 2.40 petang – 4.00 petang
Tempat : Sunway Putra Hotel, Kuala Lumpur
Pengerusi : YBhg. Datuk Dr Radzali Hassan

Kehadiran :	YBhg. Dato' Zahriah Abd Kadir	<i>Naib Pengerusi</i>
	En. Kairul Azman Mohd Yusoh	<i>Setiausaha Agung</i>
	En. Khalek Awang	<i>Penolong Setiausaha</i>
	En. Mohamad Azwani Asa'd	<i>Bendahari Agung</i>
	En. Terry Lim	<i>Penolong Bendahari</i>
	Dr. Jacky Lim	<i>Ahli Jawatankuasa</i>
	Pn. Wong Jin Nee	<i>Ahli Jawatankuasa</i>
	En. Damian Yeo Shen Li	<i>Ahli Jawatankuasa</i>
	En. Kevan Ong	<i>Ahli Jawatankuasa</i>
	En. Pengiran Muhammad 'Adil Awang Iskanderdzulkarnein	<i>Ahli Jawatankuasa</i>
	Cik Fatin Muzfirah Ahmad Shauhada	<i>Ahli Jawatankuasa</i>

67 kehadiran termasuk 43 perwakilan ahli biasa dan kementerian, 6 perwakilan ahli bersekutu, 17 pemerhati daripada wakil ahli. (Sila rujuk lampiran)

Tidak Hadir dengan notis :	En. Deric Yeo Chin Lee	<i>Naib Pengerusi</i>
	En. Daniel Sim Lim Kit	<i>Ahli Jawatankuasa</i>

AGENDA:

1.0 UCAPAN ALU-ALUAN PENERUSI

- 1.1. YBhg Datuk Pengerusi mengalu-alukan kehadiran ahli, merakamkan penghargaan atas komitmen mereka serta menekankan objektif Mesyuarat Agung Khas untuk meluluskan pindaan perlembagaan bagi memperkukuh tadbir urus MFA.
- 1.2. Beliau menegaskan peranan MFA dalam memajukan industri francais, dengan fokus kepada peluasan pasaran antarabangsa khususnya ASEAN, penganjuran program latihan berstruktur termasuk CFE, serta penganjuran FIM 2026 sebagai platform utama.
- 1.3. Pengerusi juga menyeru ahli untuk terus berganding bahu bagi memperkukuh MFA dan industri francais Malaysia.

2.0 KORUM

Mesyuarat dimaklumkan bahawa korum mesyuarat adalah mencukupi sebagaimana Fasal 8(1), Undang-Undang Tubuh MFA bagi meneruskan Mesyuarat Agung Khas ini.

3.0 PERBENTANGAN BAGI MEMBINCANGKAN DAN MELULUSKAN USUL CADANGAN PINDAAN UNDANG-UNDANG TUBUH PERSATUAN

- 3.1. Perbentangan Cadangan Pindaan Undang-Undang Tubuh telah dipimpin oleh En. Khalek Awang selaku wakil Ahli Jawatankuasa Utama. Beliau membentangkan tujuan, latar belakang serta kaedah pelaksanaan sebelum cadangan pindaan ini dibawa ke Mesyuarat Agung Khas. Proses maklum balas telah dilaksanakan melalui tiga peringkat, iaitu: (i) maklum balas daripada

semua ahli, (ii) perbincangan kumpulan fokus oleh Jawatankuasa Kecil Pindaan Undang-Undang Tubuh, dan (iii) perbincangan dalam Jawatankuasa Utama.

3.2. Mesyuarat dimaklumkan bahawa notis mesyuarat beserta dokumen Undang-Undang Tubuh MFA sedia ada dan Cadangan Pindaan Undang-Undang Tubuh telah dikongsikan kepada semua ahli yang layak mengikut tempoh notis kepada Wakil Ahli Rasmi Berdaftar.

3.3. Cadangan pindaan undang-undang tubuh persatuan melibatkan 19 Fasal utama yang merangkumi aspek takrif, nama, lambang dan tempat urusan, tujuan dan maksud, keahlian, yuran, mesyuarat agung, jawatankuasa, kewangan, pembubaran. Pindaan ini telah dibahagikan kepada 3 kategori utama iaitu pindaan dari segi ejaan dan penggunaan tatabahasa, perkara-perkara yang mengikut amalan semasa serta perkara-perkara berkaitan dengan Akta Francais 1998 (Pindaan 2020). Ringkasan cadangan pindaan adalah seperti berikut:

- | | |
|---------|---|
| Fasal 1 | 1. Pindaan istilah pada Fasal 1(b) |
| | 2. Tambahannya takrif baharu pada Fasal 1(g) |
| Fasal 2 | 3. Pindaan ayat Fasal 2(3) iaitu padam perkataan "Wawasan 2020". |
| Fasal 3 | 4. Pindaan istilah pada Fasal 3(1)(a) dan 3(1)(b) |
| | 5. Penambahbaikan penggunaan bahasa pada Fasal 3(2)(a); 3(2)(c); 3(3)(a); 3(3)(e); 3(3)(j); 3(3)(k). |
| Fasal 4 | 6. Pindaan Fasal 4(a) bagi maksud keahlian kategori Ahli Biasa bagi Francaisi dimana Francaisi berbilang unit melebihi 5 unit |
| | 7. Pindaan Fasal 4(b) bagi maksud keahlian kategori Ahli Bersekutu untuk Bakal Francaisi dimana francaisi yang francaisorinya bukan Ahli MFA, francaisi unit tunggal dan francaisi berbilang unit (kurang daripada 5 unit). |
| | 8. Mansuhkan Fasal 4(g) bagi keahlian seumur hidup disebabkan tidak relevan dan bercanggah dengan Akta Francais yang memberi tempoh sah perniagaan francais.. |
| | 9. Pindaan ayat Fasal 4(3)(a) dengan hanya menyatakan perkataan ahli MFA sahaja yang merangkumi semua kategori keahlian. |
| | 10. Pindaan istilah "eksekutif" kepada pengarah atau wakil yang berkuasa" pada Fasal 4(2)(e)(i); 4(2)(e)(ii); 4(2)(e)(iii); 4(2)(e)(iv); 4(2)(e)(v); 4(2)(e)(vi); 4(2)(e)(vii) dan 4(2)(e)(viii) |
| | 11. Pindaan istilah "agensi awam" kepada "kementerian yang bertanggungjawab" pada Fasal 4(2)(e)(ix) |
| | 12. Mansuhkan Fasal 4(2)(f) berkaitan ahli seumur hidup |
| | 13. Pindaan Fasal 4(6)(f) dengan menyatakan hak ahli antarabangsa secara terperinci. |
| | 14. Mansuhkan Fasal 4(6)(g) berkaitan Ahli Seumur Hidup |
| | 15. Pindaan tatabahasa dan struktur ayat bagi Fasal 4(7) dan Fasal 4(8)(a) |
| Fasal 5 | 16. Pindaan kenaikan kadar bayaran proses bagi semua kategori keahlian kecuali ahli kehormat pada Fasal 5(1)(a) hingga Fasal 5(1)(g) kecuali 5(1)(e) |
| | 17. Pindaan kenaikan kadar yuran tahunan keahlian pada Fasal 5(2)(a); 5(2)(b); 5(2)(c); 5(2)(f) dan 5(2)(i). |
| | 18. Pindaan dengan menambah ayat bagi opsyen bayaran ansuran yuran tahunan sehingga maksimum 6 bulan pada fasal bagi 5(2)(g) |
| | 19. Pindaan istilah pada Fasal 5(2)(h) dengan perkataan "material" dimansuhkan dan ditukar kepada "aset, barangan". |
| | 20. Mansuhkan Fasal 5(2)(j) bagi yuran tahunan ahli seumur hidup |
| Fasal 6 | 21. Pindaan Fasal 6(4) bagi memendekkan tempoh rayuan pemecatan dan penggantungan keahlian daripada 6 bulan kepada 2 bulan. |
| Fasal 7 | 22. Pindaan Fasal 7 perkataan "Ketua Eksekutif" ditukar kepada "Ketua Pegawai Eksekutif". |
| Fasal 8 | 23. Pindaan Fasal 8(1) dengan memasukkan tambahan perkataan "tahunan". |

24. Pindaan Fasal 8(2) berkaitan tempoh masa menunggu bilangan korum mencukupi ditukar dari 30 minit kepada 1 jam sebelum penangguhan mesyuarat agung dapat dilaksanakan.
 25. Pindaan Fasal 8(3) berkaitan mengadakan Mesyuarat Agung Tahunan dengan menambah perkataan "kaedah".
 26. Pindaan Fasal 8(6)(ii) dengan meminda ayat dengan menambah syarat permintaan mesyuarat khas perlu ditandatangani wakil sah bagi pertubuhan dan dihantar kepada pejabat pertubuhan berdaftar serta diperakui oleh wakil Pertubuhan yang ditetapkan.
 27. Pindaan Fasal 8(7) berkaitan tempoh notis panggilan mesyuarat khas yang dilanjutkan daripada 1 bulan kepada 3 bulan.
- Fasal 9
28. Pindaan Fasal 9(1) berkaitan tempoh pegangan jawatan ahli Jawatankuasa Utama daripada lima (5) penggal kepada (3) penggal sahaja.
 29. Pindaan Fasal 9(2) bagi istilah "agensi awam" yang ditukar kepada "Kementerian".
 30. Pindaan Fasal 9(7) bagi istilah "Pekerjaan" ditukar kepada "Peranan" dan tambahan perkataan "Tahunan" pada Mesyuarat Agung menjadikan "Mesyuarat Agung Tahunan".
 31. Pindaan Fasal 9(8) berkaitan tempoh notis panggilan mesyuarat daripada tujuh (7) hari kepada empat belas (14) hari.
 32. Memansuhkan Fasal 9(9) dan 9(10) berkaitan pelaksanaan mesyuarat Jawatankuasa Eksekutif sekiranya mesyuarat Jawatankuasa Utama tidak dapat diadakan kerana perkara mustahak.
 33. Pindaan Fasal 9(12) berkaitan penambahan ayat bagi menyatakan keperluan mendapatkan pengesahan Mesyuarat Jawatankuasa Utama sekiarnya berlaku penamatan ahli Jawatankuasa Utama.
 34. Pindaan Fasal 9(13) berkaitan tambahan ayat sebab penamatan ahli jawatankuasa utama kerana mengalami kelainan upaya dan memberi kuasa kepada mesyuarat agung seterusnya untuk memilih pengganti ahli jawatankuasa utama tersebut.
- Fasal 10 Tiada pindaan
- Fasal 11
35. Pindaan Fasal 11(2) dengan memansuhkan ayat "selain daripada tanggungjawab yang diperuntukkan pada Fasal 9(9)" kerana fasal 9(9) telah dimansuhkan.
 36. Pindaan Fasal 11(5) berkaitan kuasa Jawatankuasa Eksekutif dengan menambah ayat "Sebarang keputusan dalam klausa ini hendaklah dibentangkan dalam Jawatankuasa Utama".
- Fasal 12
37. Pindaan Fasal 12(1) dengan menambah tiga jawatankuasa kecil iaitu JKK Pembangunan Perniagaan, JKK Pentadbiran dan JKK Kewangan.
 38. Pindaan Fasal 12(3); 12(4); 12(5) dan 12(6) berkaitan perubahan dari segi ejaan dan penggunaan bahasa.
 39. Tambahan Fasal 12(7); 12(8) dan 12(9) bagi menjelaskan tanggungjawab tiga JKK yang baharu dimasukkan dalam Fasal 12(1)
 40. Pindaan bilangan Fasal 12(7) kepada Fasal 12(10) disebabkan pertambahan tiga tanggungjawab JKK baharu. Juga tambahan perkataan "Jawatankuasa Adhoc" dan "bidang tugas".
- Fasal 13
41. Pindaan Fasal 13(1); Fasal 13(2) dan Fasal 13(3) dari segi ejaan dan penggunaan bahasa.
- Fasal 14
42. Pindaan Fasal 14(1); 14(2) dan 14(4) berkaitan perubahan dari segi penggunaan bahasa pada masa kini.
 43. Pindaan Fasal 14(5) berkaitan peningkatan had jumlah perbelanjaan bagi setiap peringkat kelulusan.
 44. Pindaan Fasal 14(6) berkaitan perubahan kuasa bagi meluluskan belanjawan yang khusus oleh Jawatankuasa Eksekutif daripada Mesyuarat

Agung kepada Mesyuarat Jawatankuasa Utama. Juga pindaan kepada istilah Ketua Eksekutif kepada Ketua Pegawai Eksekutif.

45. Pindaan Fasal 14(7) berkaitan penambahbaikan tadbir urus dalam penyediaan laporan kewangan pertubuhan.
- Fasal 15 46. Pindaan istilah dan penggunaan ayat pada Fasal 15(1)
 47. Menghadkan tempoh perlantikan juruaudit dalaman kepada sembilan (9) tahun pada Fasal 15(1) dan Fasal 15(2).
 48. Pindaan Fasal 15(3) dengan meluaskan skop tugas juruaudit dalaman kepada audit kewangan dan perjalanan tadbir urus persatuan.
- Fasal 16 49. Pindaan Fasal 16(1) dan 16(2) dari segi istilah dan penggunaan bahasa.
- Fasal 17 50. Pindaan Fasal 17(1) dan 17(2) dari segi istilah dan penggunaan bahasa.
- Fasal 18 51. Pindaan Fasal 18(1) dengan gabungkan perlantikan Penaung dan Penasihat dalam satu fasal sahaja.
 52. Mansuhkan Fasal 18(2) kerana pindaan pada Fasal 18(1).
- Fasal 19 Tiada perubahan
- Fasal 20 53. Pindaan Fasal 20(1) dan 20(3) berkaitan pindaan pada ejaan dan penggunaan bahasa.
- Fasal 21 Tiada perubahan
- Fasal 22 54. Pindaan Fasal 22(1) berkaitan syarat majoriti pembubaran pertubuhan ditukar dari tiga per lima (3/5) kepada dua per lima (2/3) ahli yang hadir

3.4. En. Khalek telah membentangkan semua pindaan yang dianggap signifikan dan memberi kesan substantif kepada undang-undang tubuh MFA. Pindaan selebihnya adalah bersifat editorial, melibatkan pembetulan dari segi tatabahasa dan penyusunan ayat semata-mata bagi tujuan penambahbaikan perlembagaan.

3.5. Cadangan pindaan Fasal 5 (1) melibatkan peningkatan bayaran memproses permohonan untuk menjadi ahli setelah mengambil pertimbangan bahawa terdapat peningkatan signifikan ke atas kos operasi dan untuk memastikan keahlian terdiri daripada mereka yang benar-benar berminat dalam industri francais. Butirannya adalah seperti berikut:

Kategori	Asal	Baharu
Ahli Biasa -Francaisor, Francaisi Induk, Institusi Sokongan	RM300	RM1,000
Ahli Biasa -Francaisi	RM150	RM1,000
Ahli Bersekutu -Bakal Francaisor, Bakal Francaisi Induk, Institusi Sokongan, Bakal Francaisi	RM300	RM1,000
Ahli Bergabung dan Ahli Antarabangsa	RM300	RM1,000
Ahli Pelajar	RM50	RM300

3.6. Cadangan pindaan Fasal 5 (2) melibatkan peningkatan yuran tahunan setelah mengambil pertimbangan bahawa terdapat peningkatan signifikan ke atas kos operasi dan aktiviti MFA serta tiada peningkatan yuran dilaksanakan lebih 10 tahun. Selain itu, dengan cadangan pindaan ini, ahli Jawatankuasa Utama berazam untuk terus berusaha meningkatkan lagi perkhidmatan dan manfaat kepada ahli. Butirannya adalah seperti berikut:

Kategori	Asal	Baharu
Ahli Biasa -Francaisor, Francaisi Induk, Institusi Sokongan	RM2,000	RM2,500
Ahli Biasa -Francaisi	RM200	RM500

Kategori	Asal	Baharu
Ahli Bersekutu -Bakal Francaisor, Bakal Francaisi Induk, Institusi Sokongan	RM1,000	RM1,250
Ahli Bersekutu Bakal Francaisi	RM300	RM375
Ahli Bergabung dan Ahli Antarabangsa	RM2,000	RM2,500
Ahli Pelajar - Pengajian sijil, diploma dan ijazah - lain-lain ahli pelajar	RM50 RM100	- -

- 3.7. Cadangan pemansuhan kategori keahlian seumur hidup melibatkan Fasal 4(1)(g), 4(2)(f), 4(6)(g), 5(1)(f) dan 5(2)(j), memandangkan ia tidak selaras dengan akta francais dan amalan perniagaan francais dimana terdapat had tempoh lesen francais. Perkara ini turut mengambil kira peruntukan sedia ada dalam undang-undang tubuh yang membolehkan kepelbagaian kategori keahlian digunakan bagi tujuan pengiktirafan kepada tokoh-tokoh dan pemimpin industri francais yang berwibawa, selaras dengan aspirasi MFA.
- 3.8. Cadangan pindaan Fasal 6(4) iaitu tempoh rayuan dipendekkan daripada enam (6) bulan kepada dua (2) bulan daripada tarikh notis pemecatan atau penggantungan, ahli itu akan ditakrifkan sebagai tidak lagi berminat untuk meneruskan keahliannya di dalam pertubuhan. Pindaan ini dibuat sebagai langkah penambahbaikan tadbir urus proses pemecatan atau penggantungan keahlian.
- 3.9. Cadangan pindaan Fasal 9 melibatkan tempoh pegangan jawatan ahli jawatankuasa utama dipinda kepada tidak melebihi tiga (3) penggal berturut-turut daripada lima (5) penggal dalam fasal asal.
- 3.10. Cadangan pindaan untuk memansuhkan Fasal 9(9) berhubung pelaksanaan Mesyuarat Jawatankuasa Eksekutif sekiranya Mesyuarat Jawatankuasa Utama tidak dapat diadakan kerana perkara mustahak. Pemansuhan ini dicadangkan kerana pada masa kini mesyuarat dapat dilaksanakan tanpa halangan melalui kaedah alternatif, khususnya penganjuran secara dalam talian atau menggunakan pelbagai platform digital yang telah dikenal pasti sebagai lebih sesuai, selaras dengan keperluan semasa serta amalan pengurusan moden. Fasal 9(10) juga dimansuhkan berikutan pemansihan Fasal 9(9).
- 3.11. Cadangan pindaan Fasal 11(2) berkenaan tanggungjawab Jawatankuasa Eksekutif dengan memadam peruntukan berkaitan tanggungjawab yang merujuk kepada Fasal 9(9), memandangkan Fasal tersebut telah dimansuhkan.
- 3.12. Cadangan pindaan 11(5) berkenaan kuasa Jawatankuasa Eksekutif untuk membuat keputusan bagi aktiviti operasi pertubuhan yang bersesuaian. Walau bagaimanapun, selaras dengan prinsip tadbir urus yang baik dan amalan pengurusan semasa, semua keputusan yang dibuat oleh Jawatankuasa Eksekutif hendaklah dibentangkan kepada Jawatankuasa Utama untuk makluman dan pengesahan.
- 3.13. Cadangan pindaan Fasal 12(1) dengan memasukkan tiga (3) Jawatankuasa khusus yang telah dikenal pasti sebagai relevan dan berperanan penting dalam memperkukuh fungsi organisasi. Tambahan Fasal 12 (7), 12(8) dan 12(9) bagi peranan Jawatankuasa Kecil Pembangunan Perniagaan, Jawatankuasa Kecil Pentadbiran, dan Jawatankuasa Kewangan. Skop serta bidang tugas bagi ketiga-tiga jawatankuasa ini turut diperincikan dalam perlembagaan bagi memastikan hala tuju dan tanggungjawab yang jelas.
- 3.14. Cadangan pindaan Fasal 13 melibatkan penggunaan istilah Ketua Eksekutif yang dipinda kepada Ketua Pegawai Eksekutif kerana mengikut terma yang diguna pakai masa kini.
- 3.15. Sesi soal jawab telah dibuka kepada semua ahli yang layak semasa Mesyuarat Agung Khas dijalankan. Butiran lanjut seperti berikut:

- a) Ts. Zool Hilmi Muhamad Amir daripada SRKK Consulting Sdn Bhd telah mengemukakan pertanyaan berkenaan cadangan kenaikan yuran keahlian. Beliau menekankan kepentingan memastikan bahawa sebarang peningkatan yuran adalah selari dengan nilai tambah yang jelas dan signifikan kepada ahli-ahli, khususnya dari segi manfaat, sokongan, dan peluang yang ditawarkan oleh persatuan.

Mesyuarat telah mengambil maklum bahawa MFA telah mengambil kira pelbagai aspek kos dan faedah kepada ahli, khususnya melalui penganjuran aktiviti seperti pameran, insentif, dan program sokongan yang telah memberi manfaat langsung kepada ahli. Selain itu, MFA turut menekankan peranan latihan sebagai salah satu komponen utama dalam Dasar Francais Negara, yang bertujuan untuk memperkukuh tahap pulangan pelaburan (ROI) bagi ahli. MFA juga berhasrat untuk mempertingkatkan usaha pemasaran dan menambah nilai keahlian secara menyeluruh, agar manfaat yang diterima oleh ahli lebih signifikan dan selari dengan perkembangan industri francais.

- b) En. Wan Khairul daripada Seoul Garden telah membangkitkan isu berkaitan keberkesanan kutipan yuran keahlian MFA. Beliau merujuk kepada rekod terdahulu yang menunjukkan MFA menghadapi cabaran dalam pungutan yuran, termasuk penamatan keahlian dan pelupusan hutang lapuk yang terpaksa dilakukan. Sehubungan itu, beliau mempersoalkan sama ada kadar yuran baharu sebanyak RM2,500 mampu dilaksanakan dengan lebih berkesan dan sama ada ahli akan dapat memenuhi komitmen pembayaran tersebut. Beliau turut meminta penjelasan mengenai manfaat tambahan yang bakal ditawarkan kepada ahli, selain daripada faedah sedia ada. Sebagai cadangan, beliau menyarankan agar MFA memperincikan dan mengutarakan faedah-faedah keahlian secara jelas kepada semua ahli bagi menyokong dan mewajarkan cadangan kenaikan yuran sebanyak 25%.

Mesyuarat telah mengambil maklum bahawa MFA telah melaksanakan proses *profiling* keahlian bagi mengenal pasti punca utama penarikan diri ahli daripada persatuan. Hasil dapatan menunjukkan bahawa sebahagian besar daripada mereka tidak lagi beroperasi, sama ada telah menutup perniagaan sepenuhnya atau tidak lagi menjalankan operasi secara francais. Dalam konteks ini, beliau menyatakan harapan agar cadangan kenaikan yuran keahlian sebanyak 25% dapat menjadi langkah penambahbaikan, memandangkan ahli francais yang berkualiti lazimnya tidak menghadapi masalah pembayaran dan lebih memahami nilai yang ditawarkan oleh MFA. Pada masa yang sama, MFA lebih mengutamakan kualiti ahli berbanding kuantiti.

- c) Ts. Zool Hilmi Muhamad Amir daripada SRKK Consulting Sdn Bhd telah mengutarakan persoalan berkenaan hala tuju dan cadangan seterusnya susulan pemansuhan keahlian seumur hidup oleh MFA. Beliau meminta penjelasan mengenai bentuk keahlian alternatif yang akan ditawarkan, serta bagaimana MFA merancang untuk mengekalkan nilai dan daya tarikan keahlian dalam jangka panjang.

Mesyuarat telah mengambil maklum bahawa terdapat pelbagai kategori keahlian dalam undang-undang tubuh MFA dan tiada rekod pendaftaran keahlian seumur hidup sehingga kini. Jesteru itu, pemansuhan keahlian seumur hidup boleh dilaksanakan kerana tiada perubahan dan implikasi struktur yang terlibat.

- d) Pn. Maslyna Sabry daripada Boat Noodle Sdn Bhd telah membangkitkan isu ketidaksejajaran antara nama persatuan dalam Bahasa Melayu (Persatuan Francais Malaysia) dan Bahasa Inggeris (Malaysian Franchise Association). Beliau memohon penjelasan sama ada penyeragaman nama boleh dipertimbangkan.

Mesyuarat telah mengambil maklum bahawa sebarang cadangan untuk meminda nama persatuan tidak dapat dilaksanakan buat masa ini kerana ia melibatkan implikasi besar dari segi penjenamaan dan pendaftaran cap dagangan (*trademark*). Sehubungan itu, perubahan tersebut boleh dipertimbangkan pada masa akan datang sekiranya perlu dan sesuai.

- e) En. Mohd Faizal Abd Latip daripada QC Group Sdn Bhd telah membangkitkan persoalan berkenaan kewajipan ahli seperti yang dinyatakan dalam fasal 8(a) dan 8(b). Beliau mencadangkan agar ayat dalam fasal 8(b) disemak semula, kerana penggunaan istilah "menjunjung kedaulatan undang-undang tubuh persatuan" dilihat kurang tepat dari segi

konteks. Cadangan beliau adalah agar fasal tersebut dirumus semula kepada: “menjunjung kedaulatan perlembagaan persekutuan dan undang-undang yang berkuat kuasa serta mematuhi undang-undang tubuh persatuan,” bagi memastikan maksud yang disampaikan lebih tepat dan selaras dengan prinsip perundangan.

Mesyuarat telah bersetuju dengan cadangan penambahbaikan tersebut dan akan membuat pindaan selaras dengan cadangan yang telah dikemukakan.

- f) En. Wan Khairul Annuar Wan Zainal telah membangkitkan persoalan mengenai peratusan keahlian aktif dalam MFA, dengan menekankan bahawa jumlah keahlian yang tinggi tidak memberi nilai sekiranya ahli tidak berfungsi secara aktif. Beliau turut memohon penjelasan berkenaan kriteria pelantikan ahli kehormat, serta mencadangkan agar faktor-faktor kelayakan tersebut dimasukkan secara jelas dalam peraturan atau garis panduan keahlian.

Mesyuarat telah mengambil maklum bahawa bilangan ahli biasa adalah 327 ahli yang terdiri daripada Francaisor, Francaisi Induk, Francaisi, dan Institusi Sokongan. Manakala bagi ahli bersekutu terdiri dari Bakal Francaisor, Bakal Francaisi Induk, Bakal Francaisi dan Institusi Sokongan terdiri dari 192 ahli. Seterusnya bagi ahli bergabung, ahli antarabangsa dan ahli pelajar adalah seramai 23 ahli. Selain itu, cadangan bagi mewujudkan garis panduan berkaitan kriteria pelantikan ahli kehormat akan dibincangkan di peringkat Jawatankuasa Utama untuk pertimbangan lanjut.

- g) En. Wan Khairul Annuar Wan Zainal telah memaklumkan bahawa terdapat kesilapan ejaan pada muka surat 20, perkara 1, perenggan pertama. Tempoh yang sepatutnya dinyatakan sebagai “tiga tahun” telah tersilap ditulis sebagai “dua tahun.”

Mesyuarat telah mengambil maklum berkenaan kesilapan ejaan yang dinyatakan dan membuat pembetulan selaras dengan cadangan yang telah dikemukakan.

- h) En. Mohd Faizal Abd Latip telah memohon penjelasan mengenai cadangan pindaan syarat keahlian ahli biasa kepada francaisi berbilang unit (lima unit). Beliau mempersoalkan rasional pemilihan angka lima unit tersebut dan sama ada ia disokong oleh data keahlian semasa MFA. Beliau turut menegaskan bahawa francaisor dan francaisi adalah entiti yang berbeza dari segi peranan dan struktur operasi, justeru penyamaan syarat keahlian dan kadar yuran dilihat berpotensi mewujudkan ketidakadilan. Tambahan lagi, pindaan ini menurutnya boleh memberi kesan terhadap representasi francaisi dalam Jawatankuasa Utama, sedangkan misi persatuan adalah untuk menyatukan francaisor, francaisi dan institusi sokongan dalam semangat kekeluargaan.

Mesyuarat mengambil maklum bahawa rasional pengiktirafan francaisi berbilang unit sebagai ahli biasa adalah untuk menyelaraskan kadar yuran dan manfaat yang diterima oleh ahli, memandangkan yuran francaisi ditetapkan pada kadar RM500 bagi setiap unit. Oleh itu, francaisi yang memiliki lima unit akan membayar yuran keseluruhan sebanyak RM2,500, setara dengan kadar yuran ahli biasa (francaisor) dan manfaat yang diterima. Selain itu, mesyuarat juga dimaklumkan bahawa pada masa ini tiada francaisi berbilang unit yang berdaftar, terdapat lebih 20 francaisi yang berdaftar sebagai ahli MFA, dengan 12 daripadanya dikenal pasti sebagai aktif/ sah.

Selain itu, mesyuarat turut mengambil maklum bahawa pelantikan dan pemilihan wakil ke Jawatankuasa Utama adalah hak mutlak ahli melalui Mesyuarat Agung. Justeru, keputusan mengenai representasi francaisor dan francaisi dalam kepimpinan tertinggi persatuan bergantung sepenuhnya kepada ahli MFA.

3.0 KEPUTUSAN UNDIAN KELULUSAN CADANGAN PINDAAN

- 3.1 Usul cadangan pindaan Undang-Undang Tubuh MFA telah diterima dan diluluskan sebulat suara oleh semua ahli yang hadir dalam Mesyuarat Agung Khas ini.

4.0 UCAPAN PENANGGUHAN

- 3.1 Pengerusi, YBhg. Datuk Dr. Radzali Hassan merakamkan setinggi-tinggi penghargaan kepada semua ahli atas sokongan dan komitmen dalam menjayakan mesyuarat kali ini. Beliau menyatakan bahawa segala cadangan yang dikemukakan akan dibawa ke peringkat yang lebih tinggi untuk pertimbangan lanjut. Berhubung isu kenaikan kos, beliau menekankan keperluan bagi MFA untuk mengenal pasti ruang yang bersesuaian. Memandangkan keperluan setiap ahli adalah berbeza, beliau menyeru agar semua ahli menyatakan keperluan masing-masing supaya penilaian yang lebih menyeluruh dapat dibuat. Pengerusi turut merakamkan ucapan terima kasih kepada semua hadirin dan jemputan yang hadir. Sebarang pertanyaan lanjut boleh dikemukakan kepada pihak MFA untuk penjelasan selanjutnya.
- 3.2 YBhg Datuk Pengerusi telah menangguhkan Mesyuarat Agung Khas 2025 pada jam 4.00 petang dan sekali lagi mengucapkan ribuan terima kasih di atas sokongan yang diberikan oleh semua yang hadir.

Minit disediakan oleh:




.....
(BAYANI SALIHAH IBRAHIM)
Penolong Pengurus
Tarikh: 12 September 2025

Disemak oleh:



.....
(SITI OHARA HAMDAN)
Pengurus
Tarikh: 24 September 2025




.....
(ZURAIDA JOMRI)
Ketua Pegawai Eksekutif
Tarikh: 8 Oktober 2025

Disahkan benar oleh:



.....
(KAIRUL AZMAN MOHD YUSOH)
Setiausaha Agung
Tarikh: 10/10/2025



.....
(DATUK DR RADZALI HASSAN)
Pengerusi
Tarikh: 10/10/2025

**SENARAI KEHADIRAN
MESYUARAT AGUNG KHAS 2025**

AHLI BIASA – FRANCAISOR

BIL	NAMA SYARIKAT	WAKIL	NO. AHLI
1.	Aloha Training Sdn Bhd	Irene Ng Phooi Yi	OFO-0521-07-EDU
2.	Boat Noodle Sdn Bhd	Maslyna Sabry	OFO-0123-101-F&B
3.	Bonda Learning Centre Sdn Bhd	Nur Adillah Ramly	OFO-1223-36-EDU
4.	Brickforest Sdn Bhd	Raini Lim	OFO-0120-102-F&B
5.	City Coin Laundry Sdn Bhd	Muhammad Hafizuddin Bin Mohd Nizan Anuar	OFO-0617-01-SVC
6.	Cleanpro Express Sdn Bhd	Nurshafika Binti Razali	OFO-0414-02-SVC
7.	Deemcee Sdn Bhd	Chen Ee Ling	OFO-0123-102-EDU
8.	Dfc Global Sdn Bhd	Syarifudin Bin Omar	OFO-0924-18-F&B
9.	Gintell (M) Sdn Bhd	May Wong Mei Yoong	OFO-0615-03-B&H
10.	Global Art & Creative Sdn Bhd	Terry Lim	OFO-1214-01-EDU
11.	Goldlife Marketing Sdn Bhd	Lim Kheng Aun	OFO-1214-05-RET
12.	Harta Maintenance Sdn Bhd	YBhg. Datuk Dr. Radzali Hassan	OFO-0313-01-SVC
13.	King's Confectionery Sdn Bhd	Pam Tan Ah Yong	OFO-0312-08-F&B
14.	Kopitiam Asia Pacific Sdn Bhd	Mohd Rashdan Bin Othman	OFO-0110-01-F&B
15.	Legion Of Fame Sdn Bhd	Dasrul Dahlan	OFO-0124-02-BH
16.	Little Caliphs® International Sdn Bhd	Azmel Bin Ahmad	OFO-0220-06-EDU
17.	Marrybrown Sdn Bhd	Kairul Azman Bin Mohd Yusoh	OFO-0795-04-F&B
18.	MK Textile Holdings Sdn Bhd	Hamidah Ibrahim @ Abd Hamid	OFO-0725-11-RET
19.	PMA Rich (M) Sdn. Bhd.	Pengiran Muhammad 'Adil Bin Awang Iskanderdzulkarnein	OFO-0623-104-F&B
20.	QC Group Sdn Bhd	Mohd Faizal Abd Latip	OFO-1121-20-EDU
21.	Rakyat Management Services Sdn Bhd	Hj Mohamad Azwani Bin Asa'd	OFO-1007-02-SVC
22.	Revenue Valley Sdn Bhd	Abd Hanif Ab Rahman	OFO-0304-01-F&B
23.	Roasters Asia Pacific (M) Sdn Bhd	Syaffiq Ali	OFO-1195-01-F&B
24.	Smart Reader Worldwide Sdn Bhd	Kevan Ong	OFO-1000-04-EDU
25.	SRKK Consulting Sdn Bhd	Ts. Zool Hilmi Muhamad Amir	OFO-1023-112-OTH

AHLI BIASA – FRANCAISI INDUK

BIL	NAMA SYARIKAT	WAKIL	NO. AHLI
1.	7-Eleven Malaysia Sdn Bhd	Nor Shakyla Ahmad	OMF-0609-07-RET
2.	Genesis Bbq Chicken (M) Sdn Bhd	Kenny Kim	OMF-0325-06-F&B

AHLI BIASA – FRANCAISI

BIL	NAMA SYARIKAT	WAKIL	NO. AHLI
1.	Seoul Garden Restaurant Sdn Bhd	Wan Khairul Annuar Bin Wan Zainal	OFE-1218-04-F&B
2.	Zahriah Affiq Resort Sdn Bhd	YBhg. Dato' Zahriah Abd Kadir	OFE-0512-02-TRV
3.	CIC International Incorporated	Ali Haidar	OFO-0910-08-EDU
4.	Kluang Station	Lim Mei Mei	OFO-0316-01-F&B

AHLI BIASA – INSTITUSI SOKONGAN

BIL	NAMA SYARIKAT	WAKIL	NO. AHLI
1.	Damian SL Yeo & LC Goh	Damian Yeo Shen Li	OSI-0305-17-LEG
2.	Karl Consult Sdn Bhd	Khairul Anuar Shariff	OSI-0521-08-CON
3.	KASS International Sdn Bhd	Norhafizah Binti Saipol Bahri	OSI-0123-01-CON
4.	Khalek Awang & Associates	Khalek Awang	OSI-0622-104-LEG
5.	Manjit Singh Sachdev, Mohammad Radzi & Partners	Fatin Muzfirah Binti Ahmad Shauhada	OSI-0498-08-LEG
6.	Messrs Zharif Nizamuddin	Mohd Saiful Haq Bin Khider	OSI-0525-102-LEG
7.	Miraj Consultancy	Gan Way Hua	OSI-0525-101-CON
8.	Small Medium Enterprise Development Bank Malaysia Berhad	Rohaidah Binti Aris	OSI-0525-08-FI
9.	Wong Jin Nee & Teo	Wong Jin Nee	OSI-0305-05-LEG

AHLI BERSEKUTU – BAKAL FRANCAISOR

BIL	NAMA SYARIKAT	WAKIL	NO. AHLI
1.	Sentrax Global Academy Sdn Bhd	Haji Faizal Rahim Bin Moidunny	AFO-1219-02-SVC
2.	Sinar Global Hygiene (M) Sdn Bhd	Mohamed Nizar Bin Rahiman Shah	AFO-1219-01-SVC

AHLI BERSEKUTU – BAKAL FRANCAISI INDUK

BIL	NAMA SYARIKAT	WAKIL	NO. AHLI
1.	Ingenuous Consultancy	Maslina Mohd Masri	AFE-0820-25

AHLI BERSEKUTU – INSTITUSI SOKONGAN

BIL	NAMA SYARIKAT	WAKIL	NO. AHLI
1.	Skill Solutions Sdn Bhd	Ahmad Safwan Badri Bin Ahmad Nazri	ASI-0725-14-SVC
2.	Tay & Partners	Chong Kah Yee	ASI-1206-02-LEG

AHLI BIASA – FRANCAISI

BIL	NAMA SYARIKAT	WAKIL	NO. AHLI
1.	Nautical Bright Enterprise	Mohamad Shukri Salleh	OFE-0620-19-SVC

AHLI BERGABUNG

BIL	NAMA SYARIKAT	WAKIL	NO. AHLI
1.	Pertubuhan Kemajuan Sosial Malaysia	Suraindran Kandasamy	AAM-1021-18-WEL

KEMENTERIAN

BIL	NAMA KEMENTERIAN	WAKIL
1.	Kementerian Pembangunan Usahawan Dan Koperasi (KUSKOP)	Adila Sabri Bin Muhammad
2.	Kementerian Pembangunan Usahawan Dan Koperasi (KUSKOP)	Najdiah Binti Ismail
3.	Kementerian Pembangunan Usahawan Dan Koperasi (KUSKOP)	Irwan Effendy Bin Bahtiar

PEMERHATI

BIL	NAMA SYARIKAT	WAKIL	NO. AHLI
1.	Aloha Training Sdn Bhd	Sylvester Chong Kar Man	OFO-0521-07-EDU
2.	Bonda Learning Centre Sdn Bhd	Nur Atikah Mohd Aziz	OFO-1223-36-EDU
3.	City Coin Laundry Sdn Bhd	Nurul Ashikin Binti Sjamsul Kamal	OFO-0617-01-SVC
4.	Damian SL Yeo & LC Goh	Peggy Chew	OSI-0305-17-LEG
5.	DFC Global Sdn Bhd	Amira Binti Omar	OFO-0924-18-F&B
6.	Happy Potato Sdn Bhd	Muhammad Firdaus Bin Mohamad Faudzi	OFO-0424-10-F&B
7.	Karl Consult Sdn Bhd	Nurfarhani Lee	OSI-0521-08-CON
8.	KASS International Sdn Bhd	Muhamad Ikhwan Bin Mustapha	OSI-0123-01-CON
9.	Kopitiam Asia Pacific Sdn Bhd	Gradys Lee	OFO-0110-01-F&B
10.	Midyson Sdn Bhd	Ooi Zheng Yi, Jsonn	OFO-0623-105-BH
11.	Miraj Consultancy	Zeehan Rosle	OSI-0525-101-CON
12.	My US Pizza Sdn Bhd	Muhammad Shukri Muhammad Ridzuan Tan	OFO-0921-14-F&B
13.	Sentrax Global Academy Sdn Bhd	Leaguat Ali Khan	AFO-1219-02-SVC
14.	Skill Solutions Sdn Bhd	Hillary Anak Jonathan	ASI-0725-14-SVC
15.	Small Medium Enterprise Development Bank Malaysia Berhad	Muhammad Haziq Naim Md Hussin	OSI-0525-08-FI
16.	SRKK Consulting Sdn Bhd	Dr. Ramli Ismail	OFO-1023-112-OTH
17.	CIC International Incorporated	Muhammad Firdaus	OFO-0910-08-EDU